

4. gr.

Póstmenn eiga rétt til sumarleyfis samkvæmt eftirfarandi reglum:

Starfsmenn á 1—12 mánaða þjónustualdri	1—14 daga
Starfsmenn á 1—10 ára þjónustualdri	16 daga
Starfsmenn á 10—15 ára þjónustualdri	14 daga
sumarleyfi og 7 daga vetrarleyfi.	

Starfsmenn, sem verið hafa í þjónustu stofnunarinnar í 15 ár eða lengur fá 21 dags sumarleyfi eða 28 daga vetrarleyfi.

Helgidagar, sem falla inn í sumar- og vetrarleyfi teljast með í leyfinu.

Sérhver starfsmaður á rétt til fullra launa, svo lengi sem veikindadagar hans fara ekki fram úr 90 á 12 mánuðum. Séu þeir fleiri lækka launin um helming þann tíma, sem umfram er. Þegar hann hefur verið fjarverandi 180 daga á árinu, fellur launagreiðslan niður. Fyrir starfsmenn, sem verið hafa í þjónustu stofnunarinnar í 10 ár, lengist 90 daga tímabilið í 120 daga, og 180 daga tímabilið í 240 daga. Eftir 15 ára þjónustualdur lengist tíminn á sama hátt í 180 og 360 daga. Starfsmaður, sem verið hefur í þjónustu stofnunarinnar í 20 ár, á rétt til fullra launa í 360 daga, en þá fellur launagreiðslan niður.

Starfsmaður, sem verið hefur 6 mánuði eða skemur í þjónustu stofnunarinnar, á rétt til fullra launa í 30 daga og hálfra í 30 daga. Starfsmaður, sem verið hefur veikur í einn mánuð eða lengur, getur ekki tekið við starfi aftur, fyrr en trúnaðarlæknir stofnunarinnar vottar, að hann sé full vinnufær.

5. gr.

Reglugerð þessi gildir frá 1. apríl 1945 þar til öðruvísi verður ákveðið. Jafnframt falla úr gildi reglur um starfstíma póstmanna í Reykjavík o. fl., útgefnar 30. sept. 1942, og breytingar á sömu reglum, útgefnar 2. júní 1944.

Samgöngumálaráðherrann, 30. júlí 1945.

Emil Jónsson.

Guðmundur Hliðdal.

Auglýsing frá ríkisstjórninni, birt í 35. tbl. Lögbirtingablaðsins 1945, um takmarkað afnám umferðartálmana af hernaðarástæðum.

Samkvæmt tilkynningu amerísku herstjórnarinnar eru öll fyrirmæli varðandi umferðartálmanir á landi og við strendur landsins úr gildi fallin með þeim takmörkunum, er hér greinir:

1. a. Tilkynningar um tundurduflasvæði úti fyrir Vestfjörðum og Austfjörðum eru enn í gildi.
- b. Þar til er lokið hefur verið hreinsun fyrrverandi bannsvæðis milli Gróttu og Akraness, geta skip, sem veiða með netum eða leggjast við akkeri innan 20 faðma dýptarlínunnar, átt á hættu að verða fyrir tjóni á veiðarfærum eða flækja legufærin vegna hindrana, sem enn liggja í botni á þessu svæði, og gera skipin þetta því á eigin ábyrgð.
2. Öllum öðrum en þeim, sem hafa fengið þar til gerð vegabréf eða sérstaka heimild frá hlutaðeigandi yfirmanni, er bannað að fara inn í herbúðir eða hermannvirki. Til að hindra óafvitandi yfirtroðslur er megnið af þessum mannvirkjum

innan girðinga og merkt með aðvörunarskiltum bæði á ensku og íslenzku, svo sem hér segir: 138
6. júlí

KEEP OUT
MILITARY PROPERTY
ARMED GUARDS

AÐGANGUR BANNAÐUR
HERNAÐAR ÚTBÚNAÐUR
VARÐMENN MEÐ BYSSUR

Inngangar að slíkum hersvæðum eru í myrkri lokaðir þar sem hentugt þykir, með slám, hliðum eða öðrum hentugum hindrunum. Innganga þessara er einnig gætt eða verðir við þá.

Sérhver, sem fer inn á slíkt bannsvæði án heimildar, gerir það á eigin ábyrgð.

REGLUGERÐ

139
9. júlí

um veltuskatt.

1. gr.

Ákvörðun skattstjóra eða skattanefndar á fjárhæð veltuskatts skal tilkynnt skattgreiðanda með ábyrgðarbréfi, sem skal póstlagt í síðasta lagi 1. n. m. eftir að gjaldið er ákveðið. Ef skattgreiðandi vill kæra skatt sinn fyrir skattstjóra eða skattanefnd, skal hann senda kæru sína fyrir 10. sama mánaðar. Úrskurður skattstjóra eða skattanefndar skal kveðinn upp og tilkynntur í ábyrgðarbréfi fyrir 20. sama mánaðar. Úrskurði skattstjóra eða skattanefndar má áfrýja til yfirsattanefndar og síðan til ríkisskattanefndar, sem kveður upp fullnaðarúrskurð. Kærufrestir til þeirra eru 10 dagar og úrskurðarfrestir þeirra eru jafnlangir.

2. gr.

Reglugerð þessi, sem sett er samkvæmt 10. gr. laga nr. 62 12. marz 1945, um veltuskatt, öðlast þegar gildi.

Fjármálaráðuneytið, 9. júlí 1945.

Pétur Magnússon.

Einar Bjarnason.

REGLUGERÐ

140
17. júlí

um viðauka við og breyting á reglugerð nr. 49 3. marz 1945, og reglugerð nr. 97 12. maí 1945, um skömmtnun á smjöri.

1. gr.

Auk þeirrar skömmtnunar á 2 enskum pundum af smjöri, sem heimilað var að afhenda í 2. gr. reglugerðar nr. 49 3. marz 1945, og einu ensku pundi af smjöri, sbr. reglugerð nr. 97 12. maí 1945, skal enn fremur afhenda hverjum manni innkaupaheimild fyrir einu ensku pundi (453 g) af smjöri fyrir mánuðina september og október, og gildir sú innkaupaheimild til 1. nóv. n. k., og eiga við um hana allar sömu reglur og þær innkaupaheimildir, sem áður hafa verið veittar í þessu skyni.

Skömmtnunarskrifstofa ríkisins setur nánari reglur um úthlutunina.